



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. Ll. Res aduersas amat, & ferre docet Augustinus.

urn:nbn:de:hbz:466:1-42857

Lib. 22. De
Ciu. Dei,
cap. 8.

Nondum est biennium, ex quo apud Hippo-
nem Regium ista memoria, (templum intel-
ligit in honorem S. Stephani à se condi-
tum) esse cæpit, & multis (quod nobis certif-
simum) non datis libellis qui miracula facta
complectebantur, de iis quæ mirabiliter fa-
cta sunt, illi ipsi qui dati sunt, ad septuagesi-
num ferè numerum peruenerant, quando il-
la scripsi. Tanta miracula fecit; mortuus vi-
uos facit mortuos, quia nec mortuus; &c.

Ser. 51. De
diuersis.

Mulier erat oculorum lumine destituta,
quæ simul ac illis admouit flores, qui eidem
Protomartyri fuerant oblati, visum, om-
nibus qui aderant stupentibus, recepit.
Ad hæc Martialis, inter optimates vnus,
eiusdem Diui suffragiis à præfracti animi
duritie liberatus, Christi Religionem ac
Baptisma expetuit. Virgo item sacra Caspa-
liana, cum esset vitâ defuncta, statim B. Ste-
phani tunicâ fuit operta, & reuixit. Com-
plura huiuscemodi de Sancto Sanctus re-
fert, quæ hîc recensere perlongum foret,
& præter institutum.

Frequentia
per D. Ste-
phanum
miracula.

CAPVT LI.

Res aduersas amat, & ferre docet
Augustinus.

ADVERSORVM patientissimus, calami-
tates, non vt vulgò æstimantur, ti-
muit

multum tamquam mala ; sed ut magnarum Calamita-
 virtutum semina , fortiter pertulit : quin- tes Dei be-
 imò perfectionis eò fuit prouectus , ut eas neficia, non
 virtutis causâ desideraret, ac beneficij lo- vulnera.
 co duceret. Beneficia, inquebat, hæc sunt Lib. 50.
 diuina, non verbera ; nec ut noceant diuini- hom. 46.
 tus irrogantur, quæ ad hoc veniunt, ut ho-
 minibus paternâ clementiâ consulatur. Ego,
 inquit, quos amo, arguo & castigo. Et ite-
 rum : Fili, ne neglexeris disciplinam Dei, ne-
 que defeceris cum ab eo argueris ; quem enim
 diligit Deus, corrigit ; flagellat autem om-
 nem filium quem recipit. Timeat, quem Deus NOTA.
 corrigere non vult in sæculo, quia eum sup-
 plicio destinavit post sæculum. Vnde ad con-
 uitia iniuriasque non excanduit, sed Chri-
 stianâ fortitudine, vim iræ temperans, ex
 iis etiam vtilitatem hausit. Quemadmo- Similitudo
 dum enim animalia nonnulla tam valen-
 tem habent stomachum, ut vel res vene-
 natas, ac etiam lapillos concoquant, sic
 Augustinus tanto diuini amoris igne fuit
 incensus, ut auditu durissima conuitia, &
 venenatos maleuolorum sermones ex fa-
 cili digereret : quinimò ut iis ipsi, tam-
 quam adipe & pinguedine, repleretur ani-
 ma eius. Tot, scribit, viri, tot mulieres, cle-
 rici, pueri, tantæ & delicatæ puellæ, flam- Sermon. 6. r.
 mas, ignes, & bestias æquanimiter pertule- De Temp.
 runt ;

Lib. De
sanctâ Vir-
gin. c. 33.

runt; & nos hominum conuitia dicimus to-
lerare non posse. Vnde nescio quâ fronte, vel
quâ conscientia cum omnibus Sanctis partem
in aternâ beatitudine habere desideramus,
quorum exempla sequi in rebus minimis non
acquiescimus. Et sanè, si caput nostrum est
humile, superbum esse membrum non de-
bet: neque rursus, si caput opprobriis satu-
ratum fuit, æquum est vt membra nutrian-
tur alio cibo, vel indumento contegantur
alio, quàm iniuriis quibus opertum caput
ipsum intuentur. In quam sententiam Am-
brosius: *Mens quæ Christo Iesu feliciter
nupsit, quæq; ei in Crucis thalamo libens con-
iuncta est; nihil tam gloriosum existimat,
quàm vt Crucifixi sui iniurias secum ferat.*

CAPVT LII.

*Iniuriarum summa tolerantia atque
animi mansuetudo.*

Plus dili-
gendi ini-
mici quàm
amici.
Serm. 59.
De Temp.

ERANT proinde hæ iniuriæ S. P. Augu-
stino non minus quàm deliciæ dulces;
atque adeò, inimicos amicis præferendos
docebat; latere enim sub sentibus locuple-
tem thesaurum: ex amico utilitatem ple-
rumque referre corpus: ex inimico, si dili-
gatur, animam maximum consequi com-
pendium: *Plus, infert, diligendi sunt inimi-
ci, quàm amici. Qui enim inimici sunt, cor-
pori*